

Datum: 14.04.2025. godine

Broj: OD-64/25

Na osnovu člana 89. stav (1), člana 70. stav (1) i člana 64. stav (1) tačka b) Zakona o javnim nabavkama BiH ("Službeni glasnik BiH", broj: 39/14, 59/22 i 50/24), člana 8. Statuta SERDA d.o.o. Sarajevo – Prečišćeni tekst, Pravilnika o javnim nabavkama SERDA d.o.o. Sarajevo, te Zapisnika o ocjeni i pregledu ponuda, donosim:

ODLUKU **o izboru najpovoljnijeg ponuđača**

1. Prihvata se Ponuda ponuđača "PRINTERPAPIR" d.o.o. Sarajevo, br. Ponude: 01-03/215 od 24.03.2025. godine za javnu nabavku roba – kancelarijskog materijala za potrebe SERDA, projekata: Projektna akademija i BITNET, u postupku Konkurentski zahtjev za dostavu ponuda.
2. Ukupna vrijednost Ponude bez PDV-a iznosi 16.156,36 KM, a sa PDV-om 18.902,94 KM.
3. Sa navedenim Ponuđačem će se zaključiti ugovor o nabavci roba.

O b r a z l o ž e n j e

Za predmetnu javnu nabavku je 14.03.2025. godine putem e-sistema na portal javnih nabavki objavljeno Obavještenje o nabavci broj: 381-7-1-20-3-3/25.

U („Sl. Glasniku BiH“ broj: 17/25) objavljeno je Obavještenje o nabavi – Sažetak.

Putem sistema e-nabavke Konkurentski zahtjev za dostavu ponuda broj: JN-66/25 preuzelo je 19 ponuđača.

U ostavljenom roku do 25.03.2025. godine do 12 sati dostavljene su dvije ponude i to:

R. br.	PONUĐAČ	Cijena na (javnom) otvaranju KM (bez PDV-a)	Ukupna cijena na (javnom) otvaranju KM (sa PDV-om)
1.	PRINTERPAPIR d.o.o. Sarajevo	16.156,36	18.902,94
2.	CROBOX d.o.o. Sarajevo	19.969,70	23.364,54

Nije bilo neblagovremenih ponuda.

Bm
AK

Nakon otvaranja ponuda, pristupilo se analizi dokumenata priloženih uz ponudu u smislu provjere validnosti obzirom na iskazane zahtjeve Ugovornog organa u Konkurentskom zahtjevu za dostavu ponuda, odnosno vrednovanju ponuda, a u skladu sa procedurama i pravilima utvrđenim Konkurentskim zahtjevom za dostavu ponuda i Zakonom o javnim nabavkama BiH, odnosno pripadajućim podzakonskim aktima, te je utvrđeno sljedeće:

- ponuda ponuđača „CROBOX“ d.o.o. Sarajevo je u skladu sa članom 68. stav (4) pod tačkom i) Zakona o javnim nabavkama („Službeni glasnik BiH“, broj 39/14, 59/22 i 50/24), odbačena iz razloga što Ponuđač nije dostavio „Potvrdu banke da račun ponuđača nije blokiran u periodu od 6 mjeseci, računajući period do datuma objavljivanja Obavještenja o nabavci, original ili ovjerena kopija“ kako je zahtijevano tačkom „3.3. pod b) Tenderske dokumentacije broj: JN-66/25. Ponuđač je dostavio Potvrdu Intesa Sanpaolo Banke od 14.01.2025. godine, a Obavještenje o nabavci je objavljeno 14.03.2025. godine, tako da ponuđač nije dokazao da njegov račun nije blokiran u periodu od 14.01.2025. godine do datuma objavljivanja Obavještenja o nabavci.

Dalje, ponuđač nije dostavio „katalog, slike i/ili sličnu dokumentaciju ponuđene robe“, kako je to zahtijevano tačkom „4.1. pod l) Tenderske dokumentacije broj: JN-66/25.

-Rezime: Nije bilo razloga za isključenje ponuđača „PRINTERPAPIR“ d.o.o. Sarajevo, zbog neispunjavanja uslova za kvalifikaciju.

-Analizom ponuda ponuđača „PRINTERPAPIR“ d.o.o. Sarajevo za ovu nabavku u vezi ekonomske, tehničke i profesionalne sposobnosti utvrđeno je da nema razloga za odbijanje.

Analizom ponuda ponuđača „PRINTERPAPIR“ d.o.o. Sarajevo, utvrđeno je da je ponuda dostavljena blagovremeno, omotnica sa ponudama ispravno zapakovana, dostavljena u jednom primjerku „original“ i jednom primjerku „kopija“, te stranice numerisane.

Tenderskom dokumentacijom broj: JN-66/25 predviđena je e-aukcija.

Pravilnikom o uslovima i načinu korištenja e-aukcije, članom 4. stav (2) regulisano je da u slučaju prijema jedne prihvatljive ponude, e-aukcija se ne može zakazati, nego se postupak okončava u skladu sa članom 69. Zakona.

Imajući u vidu da je samo jedna prihvatljiva ponuda primljena, e-aukcija se nije mogla zakazati.

S obzirom da je ponuda ponuđača „PRINTERPAPIR“ d.o.o. Sarajevo ocijenjena kao prihvatljiva za Ugovorni organ, predloženo je prihvatanje Ponude, te shodno odredbama članova 64. stav (1) tačka b) i članu 70. Zakona, donošenje odluke o izboru ponude ponuđača „PRINTERPAPIR“ d.o.o. Sarajevo, kao najpovoljnije za predmetnu nabavku.

Cijena ponude bez PDV-a iznosi 16.156,36 KM, a sa PDV-om iznosi 18.902,94 KM.

Brnj
Ks



Sarajevska regionalna razvojna agencija SERDA d.o.o. Sarajevo, Alojza Benca 4
Tel: +387 33 652-935, 648-686, Fax: +387 33/ 663-923
Email: serda@serda.ba ; Web : www.serda.ba

Kantonalni Sud Sarajevo matični registarski broj subjekta upisa 1-24164
Broj računa: UniCredit Bank 3389002206391983
Identifikacijski broj društva: 4200816600000
PDV broj društva: 200816600000
Porezni broj: 01700000

Imajući u vidu prednje navedeno, Ugovorni organ je donio Odluku kao u dispozitivu.

Protiv ove odluke ponuđač ima pravo da podnese žalbu u roku od pet dana od dana prijema ove odluke.

Žalba se podnosi Ugovornom organu SERDA d.o.o. Sarajevo, u pisanoj formi.

Dostaviti:

- Ponuđačima
- Komisiji za javne nabavke
- web stranica
- a/a

DIREKTORICA

Sanela Dževlan

